


大莊嚴經論

籍

第一

二百四十四
君一

49205



大莊嚴經論卷第一

馬鳴菩薩造

姚秦三藏法師鳩摩羅什譯

君辛

前礼最勝尊

離欲邁三有

亦敬一切智

甘露微妙法

并及八輩眾

無垢清淨僧

富那脇比丘

弥織諸論師

薩婆室婆眾

牛王正道者

是等諸論師

我等皆敬順

我今當次說

顯示莊嚴論

聞者得滿足

眾善從是生

可歸不可歸

可供不可供

於中善惡相

宜應分別說

說曰我昔曾聞軋陀羅國有商賈客到摩突

羅國至彼國已時彼國中有一佛塔眾賈客

中有一優婆塞日至彼塔恭敬礼拜向塔中



路有諸婆羅門見優婆塞禮拜佛塔皆共嗤
笑更於餘日天甚蒸熱此諸婆羅門等食訖
遊行而自放散或在路中或立門側有洗浴
者有塗香者或行或坐時優婆塞禮塔迴還
諸婆羅門見已喚言來優婆塞就此坐語優
婆塞言尔今云何不識彼摩醯首羅毗細天
等而為致敬乃禮佛塔得無煩耶時優婆塞
即荅之曰我知世尊功德少分是故欽仰恭
敬為禮未知汝天有何道德而欲令我向彼
禮乎諸婆羅門聞是語已瞋目呵叱愚癡之
人汝云何不知我天所有神德而作是言諸
婆羅門即說偈言

阿脩羅城郭 高顯周三重 懸處於虛空

男女悉充滿 我天彎弓矢 遠中彼城郭

一念盡燒滅 如火焚乾草

時優婆塞聞是偈已大笑而言如斯之事吾

之鄙薄所不敬尚以偈荅言

命如葉上露 有生會當滅 云何有智者

弓矢加殘害

時諸婆羅門等聞是偈已咸共同聲呵優婆

塞言是癡人彼阿脩羅有大勢力好為惡事

我天神德力能殺害云何乃言非有智耶時

優婆塞被呵責已喟然長歎而說偈言

美惡諦觀察 智者修善業 能獲大果報

後則轉受樂。云何於過惡反生功德想
邪見既增長。歎惡以為善。以是惡業故
後獲大苦報。

諸婆羅門聞是語已。豎目舉手。慄癘攘歎。瞋
忿顫動而作是言。汝甚愚癡。不吉之人。此等
諸天不加恭敬。而恭敬誰。時優婆塞。意志閑
裕而語之。言。吾雖單獨。貫申道理。不應以力
朋黨競說。時優婆塞復說偈言。

汝等所供養。兇惡好殘害。汝若奉事彼。
以為功德者。亦應生恭敬。師子及虎狼。
觸惱生殘害。惡鬼羅刹等。愚人以畏故。
於彼生恭敬。諸有智慧者。宜應深觀察。

若不為殘害。乃可生恭敬。諸有功德者。

終無殘害心。修行諸惡者。無不懷殘害。

不能善分別。功德及過惡。功德起惡心。

過生功德想。殘害逼迫者。凡愚增敬順。

於善功德者。反生輕賤心。世間皆顛倒。

不別可敬者。乾陀羅生者。解知別善惡。

是故信如來。不敬自在天。

彼時婆娑羅門聞是語。已即作是言。咄。乾陀羅出何。

種姓有何道德。而名佛乎。時優婆塞。說偈答言。

出於釋氏宮。具足一切智。眾過悉雲除。

諸善皆普備。於諸眾生中。未始不饒益。

覺了諸法相。一切悉明解。如是之大仙。

故稱号为佛

時諸婆羅門復說偈言

汝言佛大仙 應是逼惱事

此閻浮提中

瞻嘿監持地

婆塞婆私吒

提釋阿極耶

如是諸大仙

名稱世所聞

能結大神呪

殘滅諸國土

汝名佛大仙

亦應作斯呪

汝佛有大德

應作逼惱事

若不作呪害

云何名大仙

時優婆塞不忍聞彼誹謗之言以手掩耳而

說偈言

咄莫出惡語

謗言佛有呪

毀謗最勝尊

後獲大苦報

時婆羅門復說偈言

佛若無呪術 不名有大力 若無惱害者

云何名大仙 我但說實語 何故稱誹謗

時諸婆羅門 撫掌大笑言 是故汝癡人

定墮於負處

時優婆塞語婆羅門言 汝莫恠笑 汝言如來

無大功德亦無大力 斯是妄語 如來實有大

功德力 永斷呪根 終不復作惱害之事 汝今

諦聽 當為汝說 即說偈言

以貪瞋癡故 則作大惡呪 當結惡呪時

惡鬼取其語 於諸罪衆生 而行惱害事

佛斷貪瞋癡 慈悲廣饒益 永除惡呪根

但有衆善事。是故佛世尊。都無有惱害

以大功德力。拔濟無量苦。汝今何故言

佛無大勢力

時諸婆羅門聞是偈已。瞋恚心息。語優婆塞。塞言我於今者。欲問少事。勿見瞋也。咄優婆塞。佛若無惡呪。云何而得受他供養。既不爲損

又不能益。云何而得。稱爲大仙。優婆塞言。如來大慈悲。終無惡呪。損滅衆生。亦復不爲利養之事。但爲饒益。故受供養。而說偈言。

大悲愍群生。常欲爲拔苦。見諸受惱者

過於已自處。云何結惡呪。而作惱害事

衆生體性苦。生老病死道。如癰著燥灰

云何更加惡。常以清涼法。休息諸熱惱。
諸婆羅門聞是語已。即便低頭思惟。斯語此
是好事。心欲生信。汝健陀羅善別勝處。汝能
信此。甚爲希有。是故歎汝健陀羅者。名不虛
設。言健陀者。名持也。持善去惡。故得斯号。而
說偈言。

能持此地者

是名善丈夫

善丈夫中勝

實是健陀羅

時優婆塞作是思惟。此婆羅門心欲信解。皆
可成器。我今當更爲分別說佛之功德。時優
婆塞顏貌喜怡。而作是言。見汝信佛。我甚歡
喜。汝今幸可少聽我語。功德過惡。汝宜觀察。

而說偈言

觀察佛功德

一見皆滿足

戒聞及定慧

無與佛等者

諸山須弥最

衆流海第一

世間天人中

無有及佛者

能爲諸衆生

具受一切苦

必令得解脫

終不放捨離

誰有歸依佛

不得利益者

誰有歸依佛

而不解脫者

誰隨佛教育

而不斷煩惱

佛以神足力

降伏諸外道

名稱普遠聞

遍滿十方刹

唯佛師子吼

說諸行無我

所說恒處中

不著於二邊

天上及人中

皆作如是說

不能善分別

結使諸業報

如來涅槃後

諸國造塔廟

莊嚴於世間

猶虛空星宿；以是故當知佛為最勝尊
諸婆羅門聞是語已有生信心者有出家者
得道者

復次應分別論所謂論者即是法也夫於法
所宜善思惟若能思惟則解其義我昔曾聞
有婆羅門名憍尸迦善知僧法論衛世師論
若提碎摩論如是等論解了分別彼婆羅門
住業氏城中於其城外有一聚落彼婆羅門
有少因緣詣彼聚落到所親家時其親友以
緣事故餘行不在時憍尸迦婆羅門語其家
人汝家頗有經書以不吾欲並讀待彼行還
時所親婦即為取書偶得十二緣經而以與

之既得經已至於林樹間閑靜之處而讀此經
聞無明緣行行緣識識緣名色名色緣六入
六入緣觸觸緣受受緣愛愛緣取取緣有有
緣生生緣老病死憂悲苦惱是名集諦無明
滅則行滅行滅則識滅識滅則名色滅名色
滅則六入滅六入滅則觸滅觸滅則受滅受
滅則愛滅愛滅則取滅取滅則有滅有滅則
生生滅生滅則老病死憂悲苦惱衆苦集聚滅
初讀一遍猶未解了至第二遍即解無我外
道之法著於二見我見邊見於一切法深知
生滅無有常者而自念言一切外論皆悉無
有出生生死法唯此經中有出生死解脫之法

心生歡喜尋舉兩手而作是言我於今者始
得實論始得實論端坐思惟深解其義容貌
恬怡如華開敷復作是言我今始知生死繫
縛解出世法乃悟外道所說諸論甚爲欺誑
不離生死歎言佛法至真至實說有因果因
滅則果滅外道法中甚爲虛妄說言有果無
無其因不解因果不識解脫自觀我昔深生
恠笑云何乃欲外道法中度生死河我昔外
道求度生死譬如有人沒溺恒河波浪之中
懼失身命值則攀緣旣不免難沒水而死我
亦如是過彼外道求度生死然其法中都無
解脫出世之法沒生死河喪善身命墮三惡

道今見此論當隨順行得出生死外道經論
如愚狂語九十六種外道悉皆虛偽唯有佛道
至真至正六師之徒及餘智者咸自稱為一
切智人斯皆妄語唯佛世尊是一切智誠實
不虛時憍尸迦即說偈言

外道所為作

虛妄不真實

猶如小兒戲

聚土作城郭

醉象踐踏之

散壞無遺餘

佛破諸外論

其事亦如是

時憍尸迦婆羅門深於佛法生信敬心捨外
道法除去邪見晝夜常讀十二緣經時其所
親眷與諸婆羅門歸還其家問其婦言我聞
憍尸迦來至於此今何所在婦語夫言彼婆

羅門向借經書我取與之不識何經然其得
已披攬翻覆彈拍讚歎喜怡異常夫聞其言
即往其所見憍尸迦端坐思惟即問之言汝
於今者何所思惟時憍尸迦說偈荅曰

愚癡無智慧

周迴三有中

如彼陶家輪

輪轉無窮已

我思十二緣

解脫之方所

尔時親友即語之言汝於是經乃能深生希
有之想我釋種邊而得此經將欲洗却其字
以用書彼毗世師經憍尸迦婆羅門聞是語
已呵責親友汝愚癡人云何乃欲水洗斯經
如是妙法宜用真金而以書寫盛以寶函種
種供養即說偈言

設我有財寶。以真金造塔。七珍用廁填。

寶案妙巾帙。莊嚴極殊妙。而用以供養。

雖作如是事。尚不稱我意。

時其親友聞斯語。已甚懷忿恚。而作是言。今

此經中有何深妙。未曾有事。何必勝彼毗世

師。經欲以真金種種珍寶。而為供養。時憍尸

迦聞是語。已慙然作色。而作是言。汝今何故

輕憊佛經。至於是乎。彼毗世師論極有過患。

云何乃用比於佛語。如毗世師論不知法相。

錯亂因果。於瓶因果淺近之法。尚無慧解。分

別能知。況解人身身根覺慧因果之義。今時其

親友語憍尸迦言。汝今何故言毗世師論不

解因果彼論中說破瓦以爲瓶因云何而言
不解因果憍尸迦言汝毗世師論實有是語
然無道理汝今且觀如因於縷以爲經緯然
後有壘瓶瓮亦尔先有瓶故然後有瓦若先
無瓶云何有瓦復次破瓦無有瓶瓮有用是
以破瓦不得爲因現見陶師取泥成瓶不用
破瓦又見瓶壞後有破瓦瓶瓦若未壞云何
有破時親友言汝意謂若毗世師論都無道
理我等寧可徒勞其功而自辛苦時親友徒
黨諸婆羅門聞是語已心生愁惱若如其言
毗世師論即於今日不可信耶憍尸迦言毗
世師論非但今者不可取信於昔已來善觀

察者久不可信所以然者昔佛十力未出世時一切衆生皆爲無明之所覆弊盲無目故於毗世師論生於明想佛日既出慧明照了毗世師論無所知曉都應棄捨譬如鷄鶻夜則遊行能有力用晝則藏竄無有力用毗世師論亦復如是佛日既出彼論無用親友復言若如汝言毗世師論不如佛經然此佛經寧可得比僧佉論耶憍尸迦言如僧佉經說有五分論義得盡第一言誓第二因第三喻第四等同第五決定汝僧佉經中無有譬喻可得明了如牛鋒者况辯法相而能明了何以故汝僧佉經中說鉢羅陀那不生如常遍

一切處亦處處去如僧佉經中說鉢羅陀那
不從他生而體是常能生一切遍一切處去
至處處說如是事多有憊過何以故於三有
中無有一法但能生物不從他生是故有過
復次遍一切處能至處處此亦有過何以故
若先遍者去何所至若去至者遍則不遍二
理相違其義自破若如是者是則無常如其
所言不從他生而能生物遍一切處去至處
處是語非也親友婆羅門聞是語已語憍尸
迦言汝與釋種便爲朋黨故作是說然佛經
中亦有大過說言生死無有本際又復說言
一切法中悉無有我時憍尸迦語親友言我

見佛法生死無際一切無我故吾今者敬信
情篤若人計我終不能得解脫之道若知無
我則無貪欲無貪欲故便得解脫若計有我
則有貪愛既有貪愛遍於生死云何能得解
脫之道復次若言生死有初始者此身初者
爲從善惡而得此身爲不從善惡自然有耶
若從善惡而得身者則不得名初始有身若
不從善惡得此身者此善惡法云何而有若
如是者汝法則爲半從因生半不從因如是
說者有大過失我佛法無始故無罪咎于時
親友語憍尸迦有縛則有解汝說無我則無
有縛若無有縛誰得解脫憍尸迦言雖無有

我猶有縛解何以故煩惱覆故則爲所縛若
斷煩惱則得解脫是故雖復無我猶有縛解
諸婆羅門復作是言若無我者誰至後世時
僑尸迦語諸人言汝等善聽從於過去煩惱
諸業得現在身及以諸根從今現在復造諸
業以是因緣得未來身及以諸根我於今者
樂說譬喻以明斯義譬如穀子衆緣和合故
得生芽然此種子實不生芽種子滅故芽便
增長子滅故不常芽生故不斷佛說受身亦
復如是雖復無我業報不失諸婆羅門言我
聞汝說無我之法洗我心垢猶有少疑今欲
諮問若無我者先所作事云何故憶而不忘

失荅曰以有念覺與心相應便能憶念三世
之事而不忘失又問若無我者過去已滅現
在心生生滅既異云何而得憶念不忘荅曰
一切受生識為種子入母胎田愛水潤漬身
樹得生如胡桃子隨類而生此陰造業能感
後陰然此前陰不生後陰以業因緣故便受
後陰生滅雖異相續不斷如嬰兒病與乳母
藥兒患得愈母雖非兒藥之力勢能及其兒
陰亦如是以有業力便受後陰憶念不忘諸
婆羅門復作是言汝所讀經中但說無我法
今汝解悟生歡喜耶時憍尸迦即為讀十二
緣經而語之言無明緣行行緣識乃至生緣

老死憂悲苦惱無明滅則行滅乃至老死滅
故憂悲苦惱滅以從衆緣無有宰主便於其
中解悟無我非經文中但說無我復次以有
身故則便有心以有身心諸相有用識解分
別我悟斯事便解無我又問若如汝言生死
受身相續不斷設有身見有何過答曰以
身見故造作諸業於五趣中受善惡身形得
惡形時受諸苦惱若斷身見不起業不起諸
業故則不受身不受身故衆患永息則得涅
槃云何說言身見非過
復次若身見非過答者應無生死不於三有
受生死苦是故有過時婆羅門逆順觀察十

二緣義深生信解心懷慶幸略讚佛法而說
偈言

如來在世時 說法摧諸論 佛日照世間

群邪皆隱弊 我今遇遺法 如在世尊前

釋種中殊妙 深達諸法相 所言如來者

真實而不虛 逆順觀諸法 名聞普遍滿

向佛涅槃方 恭敬合掌禮 歎言佛世尊

實有大慈心 諸仙中最勝 世間無倫匹

我今歸依彼 無等戒定慧

憍尸迦言汝今去何乃亦深解佛之功德親

友荅言我聞此法是故知佛無量功德如沉

水香黑種津膩以是因緣燒之甚香遠近皆

聞如是我見如來定慧身故便知世尊有大
功德我於今者雖不覩佛見佛聖跡則知最
勝亦如有人於華池邊見象足跡則知其大
覩因緣論雖不見佛知佛聖跡功德最大見
其親友深生信解歎未曾有而作是言汝於
昔來讀誦外典亦甚衆多冷聞佛經須臾之
頃解其義趣悉捨衆典極為希有即說偈言
除去邪見論以信解正真法
如是人難得
是故歎希有
不但歎於汝
亦歎外諸論
因其理鄙淺
我等悉捨離
以彼諸論有過各故令我等輩得生厭離生
信解心佛實大人無與等者名稱普聞遍十

方刹外諸邪論前後有過猶如調語不可辯
了由彼有過令我棄捨得入佛法猶如春夏
之時人患日熱皆欲離之既至冬寒人皆思
念外道諸論亦復如是誠應捨離如夏時日
然由此論得生信心亦宜思念猶如寒時思
念彼日于時親友問憍尸迦我等今者當作
何事憍尸迦言今宜捨棄一切邪論於佛法
中出家學道所以者何如夜闇中然大炬火
一切鴿鳥皆悉墮落佛智慧燈既出於世一
切外道悉應顛墜是故今欲出家學道於是
憍尸迦從親友家即詣僧坊求索出家出家
已後得阿羅漢何因緣故說是事耶以諸外

道常爲邪論之所幻惑故說十二因緣經論
而破析之

復次夫取福田當取其德不應揀擇少壯老
弊我昔曾聞有檀越遣知識道人詣僧伽藍
請諸衆僧但求老大不用年少後知識道人
請諸衆僧次到沙彌然其不用沙彌語言何
故不用我等沙彌答言檀越不用非是我也
勸化道人即說偈言

耆年有宿德

髮白而面皴

秀眉齒缺落

背偻肢節緩

檀越樂如是

不喜見幼小

時寺中有諸沙彌盡是羅漢譬言如有人觸惱
師子數其要脉令其瞋恚諸沙彌等皆作是

語彼之檀越愚無智慧不樂有德唯貪耆老
時諸沙弥即說偈言

所謂長老者不必在白髮面皴牙齒落

愚癡無智慧所貴能修福除滅去衆惡

淨修梵行者是名為長老我等於毀譽

不生增減心但令彼檀越獲得於罪過

又於僧福田誹謗生增減我等應速往

起發彼檀越莫令墮惡趣彼諸沙弥等

尋以神通力化作老人像髮白而面皴

秀眉牙齒落偻脊而拄杖詣彼檀越家

檀越既見已心生大歡慶燒香散名華

速請令就坐既至須臾頃還復沙弥形

檀越生驚愕。變化乃如是。為飲天甘露。容色忽鮮變。

尔時沙弥即作是言我非夜叉亦非羅刹。見檀越選擇耆老於僧福田。生高下相壞。汝善根故作是化。令汝改悔。即說偈言。

譬如蚊子嘯。欲盡大海底。世間無能測。

衆僧功德者。一切皆無能。籌量僧功德。況汝獨一己。而欲測量彼。

沙弥復言汝今不應校量衆僧者。少形相夫求法者不觀形相。唯在智慧。身雖幼稚。斷諸結漏。得於聖道。雖老放逸。是名幼小。汝所為作甚為不是。若以尔指欲盡海底。無有是處。

汝亦如是欲以汝智測量福田而知高下亦
無是處汝寧不聞如來所說經中不輕王子
蛇火沙彌等都不可輕世尊所說菴羅果喻
內生外熟外生內熟莫忘稱量前人長短一
念之中亦可得道汝於今者極有大過汝若
有疑悉皆可問從今已後更莫如是於僧福
田生分別想即說偈言
衆僧功德海 無能測量者 佛尚生欣敬
自以百偈讚 沉餘一切人 而當不稱歎
廣大良福田 種少獲大利 釋迦和合衆
是名第三寶 於諸大衆中 勿以貌取人
不可以種族 威儀巧言說 未測其內德

觀形生宗仰

觀形雖幼弱

聰慧有高德

不知內心行

乃更生輕憊

譬如大叢林

蒼筤雜伊蘭

眾林雖參差

語林則不異

僧雖有長幼

不應生分別

迦葉欲出家

捨身上妙服

取庫最下衣

猶直十萬金

眾僧之福田

其事亦如是

供養最下者

獲報十萬身

譬如大海水

不宿於死屍

僧海亦如是

不容毀禁者

於諸凡夫僧

最下持少戒

恭敬加供養

能獲大果報

是故於眾僧

耆老及少年

等心而供養

不應生分別

尔時檀越聞是語已身毛為豎五體投地求

哀懺悔凡夫愚人多有憊各願聽懺悔所有
疑惑幸爲解釋即說偈言

汝有大智慧 以斷諸疑網 我若不諮問

則非有智者

尔時沙弥即告之曰恣汝所問當爲汝說檀

越問言大德敬信佛僧何者爲勝沙弥荅曰

汝寧不知有三寶乎檀越言我今雖復知有

三寶然三寶中豈可無有一最勝也沙弥荅

曰我於僧佛不見增減即說偈言

大姓婆羅門 厥名突羅闍 毀譽佛不異

以食施如來 如來旣不受 三界無能消

擲置於水中 煙炎同時起 瞿曇弥奉衣

佛勅施衆僧。以是因緣故。三寶等無異。
尔時檀越聞是語已。即作是言。如其佛僧等
無異者。何故以食置于水中。不與衆僧沙弥
荅言。如來於食都無怯惜。爲欲顯示衆僧德
力。故爲是耳。所以者。何佛觀此食三界之中
無能消者。置於水中。水即炎起。然瞿曇弥故。
以依奉佛。佛迴向僧。僧受已。無有變異。是故
當知僧有大德。得大名。稱佛僧無異。時彼檀
越即作是言。自今已後。於衆僧所。若老若少
等心恭敬。不生分別。沙弥荅言。汝若如是不
久。當得見諦之道。即說偈言。
多聞與持戒。禪定及智慧。趣向三乘人。

得果并與向 譬如辛頭河 流注入大海

是等諸賢聖 悉入僧大海 譬如雪山中

具足諸妙藥 亦如好良地 增長於種子

賢善諸智人 悉從僧中出

說是偈已而作是言檀越汝寧不聞經中阿

尼盧頭難提黔毗羅此三族姓子鬼神大將

名曰伽扶白佛言世尊一切界若天若人若

魔若梵若能心念此三族姓子者皆能令其得利

安樂僧中三人尚能利益況復大眾即說偈言

三人不成僧 念則得利益 如彼鬼將言

未得名念僧 尚獲是大利 況復念僧者

是故汝當知 功德諸善事 皆從僧中出

譬如大龍雨

唯海能堪受

眾僧亦如是

能受大法雨

是故汝應當

專心念眾僧

如是眾僧者

是諸善之群

解脫之大眾

僧猛勇健軍

能摧魔怨敵

如是眾僧者

勝智之叢林

一切諸善行

運集在其中

趣三乘解脫

大勝之伴黨

尔時沙弥說偈讚已檀越眷屬心大歡喜皆

得須陁洹果

大莊嚴論經卷第一

君

邁

莫敗反速也

脇

呼業反

商賈

上正作賈下音古通四方之貨也行

日賈坐

突

徒骨反

嗤笑

上尺反

摩醯

下呼反

毗紐

下女

中	撿	罪	軋	鵠	休	謂	下	反	九	家	佉	癱	袖	悲	懍	喟	反	九		
語	也	也	反	一	音	音	容	反	瓦	上	反	丘	恭	上	也	衣	吟	悵	然	呵
也	睡	潤	名	竄	瓷	於	變	七	家	桃	迦	反	紆	咄	也	也	帝	嘆	上	吐
蹟	漬	竄	七	器	貢	也	小	也	燒	碎	蘇	燥	燥	骨	反	也	也	也	吉	下
墜	反	下	逃	七	器	貢	也	小	也	與	蘇	燥	燥	骨	反	也	也	也	昌	反
顛	上	浸	在	一	亂	也	反	輕	廁	填	碎	對	乾	蘇	也	反	攘	懍	彎	弓
音	一	智	也	反	覆	蔽	正	下	上	下	同	反	也	反	默	下	上	例	上	還
老	弊	兒	鋒	必	上	作	莫	音	初	沒	溺	悖	怡	二	音	補	而	或	力	反
反	下	日	上	封	下	祭	音	悽	結	的	下	樂	上	同	寂	過	羊	作	錦	矢
疲	毗	嬰	一	外	正	反	副	反	反	反	反	反	反	反	反	反	反	厲	反	式
也	祭	男	盈	道	作	下	縷	築	間	踐	蹈	也	許	之	竹	應	揜	嚴	敬	箭
者	年	日	反	名	羣	音	鷓	鶩	也	下	上	余	反	加	嫁	云	袖	真	畏	鄙
反	上	見	女	音	懋	反	上	反	愀	音	音	之	一	反	反	合	出	埤	也	反
老	巨	語	過	下	尺	經	然	音	盜	音	賤	反	音	喜	如	作	臂	蒼	下	美
之	夷	上	去	上	音	緯	在	上	陶	喜	如	袂	也	云	音	反				反

大莊嚴論一卷	黔	反	巨兼	然	敵	徒的及	下	君
	反	涿	幼雅	利	反	直	蒼	荀
		也	也	下	反	直	比	上
		直	庚	反	觸	驚	各	下
		也	皮	反	感	也	吾	曲
								下
								力
								主
								反
								背
								緩
								胡
								伴
								反
								棠
								上
								直
								反



